



Adresa: **UL.H.Čemerlića 39A**
71000 Sarajevo
<http://www.voda.ba>

tel. +387 33 726 444
fax. +387 33 726 423
e – mail: info@voda.ba

Broj: **UP-1/21-1-40-025-4/24**
Datum: 23.02.2024. godine

«Agencija za vodno područje rijeke Save» Sarajevo rješavajući po zahtjevu Službe za komunalne poslove i infrastrukturu općine Ilidža za donošenje Rješenja o prethodnoj vodnoj saglasnosti za rekonstrukciju pješačkog mosta na rijeci Željeznici, općina Ilidža, na osnovu člana 109. stav (1) tačka 10. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», 2/98, 48/99 i 61/22), donosi

RJEŠENJE **o prethodnoj vodnoj saglasnosti**

1. Službi za komunalne poslove i infrastrukturu Općine Ilidža daje se prethodna vodna saglasnost za rekonstrukciju pješačkog mosta na rijeci Željeznici, općina Ilidža, koji povezuje dvije ulice na suprotnim stranama obale – ulica Dr. Mustafe Pintola i Hrasničku cestu, na zemljištu označenom kao k.č. broj 2631/1, 2767/1, 2764/1, 2764/2, 2764/4, 2631/1, 2631/9 i 2789/3 K.O. Hrasnica (zk stanje), što odgovara k.č. broj 294/1, 1657/3 i 286/1 K.O. Butmir i k.č. broj 979/1, 979/2, 387/5, 388, 389, 397/1 i 395 K.O. Ilidža (kat. stanje), a u postupku pribavljanja urbanističke saglasnosti.
2. Prethodna vodna saglasnost se daje na osnovu pregleda projektne i druge dokumentacije dostavljene od strane podnosioca zahtjeva i pod sljedećim uslovima:
 - 2.1. Da korisnik prava iz prethodne vodne saglasnosti osigura izradu tehničke dokumentacije (na nivou Glavnog projekta) na osnovu koje će se vršiti izvođenje radova na rekonstrukciji pješačkog mosta preko rijeke Željeznice kod kina Igman, općina Ilidža. Tehnička dokumentacija treba biti urađena i revidovana os strane pravnih lica koja imaju ovlaštenja (lista „A”) pribavljena od strane Federalnog ministarstva poljoprivrede, vodoprivrede i šumarstva, a prema članu 14. stav 2. Pravilniku o uvjetima i kriterijima koje mora zadovoljiti pravno lice za izradu dokumentacije na osnovu koje se izdaju vodni akti («Službene novine Federacije BiH», broj 17/08 i 38/12) i treba da obrade sva pitanja definisana članom 5. stav (2) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH”, broj 31/15, 55/19, 41/20 i 63/22).
 - 2.2. Sa vodoprivrednog aspekta kota donje ivice konstrukcije mosta, u polju i na osloncima, treba da bude viša za minimalno 80 cm računajući i proračunati uspor u odnosu na kotu velike vode rijeke Željeznice ranga pojave 1/100 godina.
 - 2.3. Obalni upornjaci mosta, u odnosu na prirodni poprečni profil korita rijeke Željeznice, trebaju imati takav položaj da ne smanjuju proticajni profil korita rijeke.
 - 2.4. Sastavni dio investiciono-tehničke dokumentacije za rekonstrukciju mosta treba biti i Elaborat/projekat u kojem će se provesti hidraulički proračun propusne moći projektovanog otvora mosta, odrediti nivo stogodišnje velike vode na lokaciji mosta uzimajući u obzir rezultate proračuna uspora izazvanog smanjenjem proticajnog profila uslijed mostovske konstrukcije. Provesti hidraulički proračun za dionicu uzvodno i nizvodno od mosta, utvrditi vučne napone u koritu, te za slučaj ako su veći od dozvoljenih u postojećem koritu odrediti način zaštite od erozije.
 - 2.5. Projektnom dokumentacijom definisati organizaciju i tehnologiju izvođenja radova na rekonstrukciji mosta kojom će se moguće štete u koritu i na obalama rijeke Željeznice, odnosno moguće štetne promjene režima voda svesti na najmanju moguću mjeru.

- 2.6. Predmjerom radova predvidjeti i radove na uklanjanju svih pomoćnih objekata i radove na čišćenju i uređenju korita i obala po završetku izgradnje mosta, uređenju korita rijeke Željeznice u zoni obalnih upornjaka mosta, odvodnju oborinskih voda i dr.
- 2.7. Pri izradi projektne dokumentacije pažnju posvetiti položaju postojećih instalacija (vodovodne, kanalizacione, elektro, PTT i dr.), te dati tehničko rješenje za ukrštanje ili izmještanje istih.
- 2.8. Projektom dokumentacijom treba, u skladu sa zakonskim propisima, definisati način privremenog i konačnog zbrinjavanja otpada koji će nastati u toku rekonstrukcije mosta i uređenja korita vodotoka u zoni radova.
- 2.9. Pri izradi tehničke dokumentacije pridržavati se pravila struke i nauke te zakonske regulative vezane za ovakvu vrstu radova, te ekološko-ekonomskih zahtjeva.
- 2.10. Sagledati sve moguće neželjene uticaje na planirani objekat i planiranog objekta na druge objekte i postrojenja, stečena prava korisnika, postojeću infrastrukturu, naselja i slično, te dati prijedlog mjera za sprječavanje tih uticaja u toku radova na rekonstrukciji i korištenja mosta uključujući i standardne i dodatne mjere zaštite.
3. Po izradi dokumentacije iz tačke 2.1. dispozitiva ovog Rješenja, nosilac prava iz prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti. Zahtjev za izdavanje vodne saglasnosti dostavlja se u skladu sa članom 8. i 19. Pravilnika o sadržaju, obliku, uvjetima, načinu izdavanja i čuvanja vodnih akata. Uz zahtjev se, između ostalog, prilaže:
 - Revidovana Investiciono-tehnička dokumentacija (glavni projekat) zahtjevana tačkom 3.1. ovog Rješenja, u skladu sa uslovima datim u tački 2. ovog Rješenja
 - Elaborat/projekat u kojem će se provesti hidraulički proračun propusne moći projektovanog otvora mosta, odrediti nivo stogodišnje velike vode na lokaciji mosta sa proračunom uspora uslijed mostovske konstrukcije, te minimalnu kotu donje ivice mosta uz potrebno nadvišenje od 0.80 m.
 - Rješenje o urbanističkoj saglasnosti i okolinskoj dozvoli (ukoliko predmetna aktivnost podliježe obavezi pribavljanja iste)
 - Dokaz o izvršenoj uplati upravne takse u iznosu od 60 KM.
4. Ovu prethodnu vodnu saglasnost Podnosilac će koristiti u postupku dobijanja urbanističke saglasnosti i okolinske dozvole (ukoliko predmetna aktivnost podliježe obavezi pribavljanja iste) i ona definiše sve uslove koje projektna dokumentacija koja se podnosi u postupku dobijanja vodne saglasnosti i građevinske dozvole treba ispuniti sa aspekta voda u skladu sa Zakonom o vodama.
5. Prethodna vodna saglasnost se daje sa rokom važenja od tri (3) godine od dana pravosnažnosti ovog Rješenja.
6. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, u roku utvrđenom u članu 111. stav 3. Zakona, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
7. Ova prethodna vodna saglasnost prestaje važiti nakon isteka 3 (tri) godine od dana pravosnažnosti Rješenja ukoliko u tom roku ne bude pribavljena urbanistička saglasnost i podnesen zahtjev za izdavanje vodne saglasnosti.

Obrazloženje

Služba za komunalne poslove i infrastrukturu Općine Ilidža je podnijela zahtjev za donošenje rješenja o prethodnoj vodnoj saglasnosti za rekonstrukciju pješačkog mosta na rijeci Željeznici, općina Ilidža, koji povezuje dvije ulice na suprotnim stranama obale – ulica Dr. Mustafe Pintola i Hrasničku cestu, na zemljištu označenom kao k.č. broj 2631/1, 2767/1, 2764/1, 2764/2, 2764/4, 2631/1, 2631/9 i 2789/3

K.O. Hrasnica (zk stanje), što odgovara k.č. broj 294/1, 1657/3 i 286/1 K.O. Butmir i k.č. broj 979/1, 979/2, 387/5, 388, 389, 397/1 i 395 K.O. Ilidža (kat. stanje), općina Ilidža.

Uz zahtjev je dostavljena i pregledana slijedeća dokumentacija:

- Ovjerena kopija Uvjerenja o registraciji poreznog obveznika izdatog od strane Porezne uprave FBiH, Kantonalni porezni ured Sarajevo, dana 15.01.2021. godine;
- Kopija odluke o osnivanju jedinstvenog općinskog organa uprave, stručnih i posebnih službi općine Ilidža, Službene novine Kantona Sarajevo, broj 33/09;
- Ovjerena kopija katastarskog plana, K.O. Ilidža, broj plana: 12, UR broj: 04-26-5680/2021-3 dana 04.01.2022. godine;
- Kopija Zemljišnoknjižnog izvadka, broj: 065-0-NAR-24-003 285, zk uložak broj: 621, K.O. SP_ Hrasnica;
- Kopija Zemljišnoknjižnog izvadka, broj: 065-0-NAR-24-030 293 zk uložak broj: 599, K.O. SP_ Hrasnica;
- Kopija Zemljišnoknjižnog izvadka, broj: 065-0-NAR-24-030 297, zk uložak broj: 1367, K.O. SP_ Hrasnica;
- Odgovor na zahtjev za saglasnost na idejno rješenje dat od strane KJKP „ViK“ d.o.o. Sarajevo, broj: 3960/23 dana 22.11.2023. godine;
- Idejno rješenje rekonstrukcije pješačkog mosta na rijeci Željeznici kod kina Igman, urađen od strane TZI-INŽENJERING d.o.o. Sarajevo, juli 2022. godine;
- Dokaz o uplati upravne pristojbe.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i člana 5. Pravilnika o izmjeni dopuni pravilnika o sadržaju, obliku, uvjetima, načinu izdavanja i čuvanja vodnih akata (Sl. novine FBiH», broj 63/22), o zahtjevu je dana 26.01.2024. godine obavještena javnost putem obavještenja u dnevnim novinama „Oslobođenje“. U datom roku nije bilo pisanih izjašnjenja o predloženim aktivnostima iz zahtjeva.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na režim voda i prava na vode dodijeljena drugim korisnicima, podnosiocu zahtjeva su ovim vodnim aktom, u tački 2. dispozitiva rješenja, shodno odredbama Zakona o vodama i odredbama Pravilnika o sadržaju, obliku, uslovima, načinu izdavanja i čuvanja vodnih akata, propisani uslovi koje je dužan ispuniti prilikom izrade projektne dokumentacije koja će Investitoru biti potrebna u postupku pribavljanja vodne saglasnosti i odobrenja za građenje.

U provedenom postupku konstatovano je slijedeće:

- Aktivnost za koju je podnesen zahtjev za izdavanje prethodne vodne saglasnosti je rekonstrukcija pješačkog mosta preko rijeke Željeznice, koji povezuje dvije ulice na suprotnim stranama obale – ulica Dr. Mustafe Pintola i Hrasničku cestu, kod kina Igman, općina Ilidža;
- Idejnim rješenjem je obuhvaćena rekonstrukcija pješačkog mosta ukupne dužine cca 74.50 m.
- Predmetni most je integralna konstrukcija sastavljena od spregnute rasponske konstrukcije i masivnih kamenih srednjih stubova. Rasponska konstrukcija je sastavljena od armiranobetonske ploče d=12 cm, koja je spegnuta za postojeća tri čeliča INP 240 profila. Projektovano rješenje rekonstrukcije mosta podrazumijeva izradu nove armiranobetonske rasponske konstrukcije mosta, pri čemu konzolni elementi rasponske konstrukcije pokrivaju postojeće cijevi i instalacije, koje su ovještene na rasponsku konstrukciju.
- Svjetla širina mosta je 5.20 m. Ukupna širina mosta iznosi 5.87 m sa obostranim armiranobetonskim vijencima.
- Niveleta mosta je za cca 65 cm podignuta u odnosu na postojeću, te na krajevima mosta preko pristupnih rampi i stepeništa uklopljena u postojeći teren.

- Predviđena je izrada armiranobetonskih ojačanja 6 postojećih stubova i temelja, na koje se direktno oslanja novoprojektovana armiranobetonska rasponska konstrukcija.
- Postojeće instalacije su ovještene na rasponsku konstrukciju pomoću čeličnih elemenata ankerovanih u rasponsku konstrukciju, gdje je na vanjsku poziciju ovih nosača zavarena čelična mreža koja je maska kojom su instalacije skrivene.

Predmetna aktivnost obrađena je u Idejnom rješenju rekonstrukcije pješačkog mosta na rijeci Željeznici kod kina Igman, urađenom od strane TZI-INŽENJERING d.o.o. Sarajevo, juli 2022. godine.

Nakon uvida u raspoloživu dokumentaciju, konstatirano je da shodno članu 7. i članu 12, stav (1) tačka 1. Zakona o vodama, sa aspekta sektora voda ne postoje smetnje da se podnosiocu zahtjeva izda prethodna vodna saglasnost uz propisane uslove, pa je riješeno kao u dispozitivu rješenja.

Uslovi koji se trebaju ispoštovati prilikom izrade projektne dokumentacije, a koja je potrebna u postupku pribavljanja vodne saglasnosti i odobrenja za građenje, drfinisani su u dispozitivu ovog rješenja u skladu sa odredbama Zakona o vodama i Pravilnika o sadržaju, obliku, uslovima, načinu izdavanja i čuvanja vodnih akata.

Podnosilac zahtjeva je uplatio upravnu pristojbu u iznosu od 80 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,00 KM takse, prema tarifnom broju 3. Tarife federalnih administrativnih taksi.

Voditelj postupka: Aida Bezdrob, dipl.ing.građ.

Po ovlaštenju
Rukovodilac sektora za izdavanje vodnih akata
Haris Ališehović
Haris Ališehović, dipl.inž.građ.



Dostaviti:

- Služba za komunalne poslove i infrastrukturu općine Ilidža, ul. Butmirska cesta 12, 71210 Ilidža
- AVP Savā, ISV, Vodna knjiga,
- Sektor 40, arhiva,
- Oglasna ploča